

# آبونه شرائطی

ممالک عثمانیه ده سنه لکی (۶۵)، آلتی  
ایلغی (۲۵) غروشدر .  
ممالک اجنبیه ده سنه لکی (۱۷)، آلتی  
ایلغی (۹) قرانقدر .

## اداره قیامه

باب عالی جاده سننده دائرة مخصوصه

## اخطارات

آبونه بدلی پشیندر .

§

مسلكه موافق آثار مع الممنونیه قبول  
اولنور . درج ابدله یین یازیلر اعاده  
اولونماز .

# الکلیت

۱۳۳۰

دینی ، فلسفی ، علمی ، ادبی هفتعلق مجموعه اسلامیه در .

صاحب و مدیر مسئول  
اشرف ادیب

باش محرر  
محمد عاكف

والله يهدي من يشاء الى صراط مستقيم

## اخطارات

رساله مزدن آنندیغی کوسترلک شرطیه  
بتون یازیلر هرهانکی برغزته طرفندن  
اقتباس اولونه بیلیر .

§

مکتوبلرک، امضالری واضح و اوقوتاقلی  
اولسی و آبونه صره نومروسنی محتوی  
بولونمسی لازمدر .

§

ممالک اجنبیه ایچون آبونه اولانلرک  
آدرس لرینک فرانسزجه ده یازلمسی رجا  
اولنور .

§

یاده کوندرلدیکی زمان نه یه دائر اولدیغنک  
واضحاً بیلدیلمسی رجا اولنور .

اتبعون اهدکم سبیل الرشاد

# جهاد اکبر حقهنده بیاننامه حضرت خلافتیناهی

« اردو و دونامه »

« دول معظمه آرمه سنده حرب اعلان ایدیله سی اوزرینه هر دائم باکھانی و حقمنز تجاوزله اوغرائان دولت و مملکتتمزک حقوق و موجودیتنی فرصتجو دشمنلره قارشنی ایجابنده مدافعه ایدیله بیلیمک اوزره سزلی سسلاح آلتنه چاغرمشیدم . بو صورتله مسلح بر بی طرفلق ایچنده یاشامقده ایکن قره دکز بوغازینه طور پیل قویمق اوزره یوله چیقان روس دوناماسی ، تعلیم ایله مشغول اولان دونامامزک بر قسمی اوزرینه آنسزین آتش آجدی . حقوق بین الملله مغسار اولان بو حقمنز تجاوزک روسیه جانبندن تصحیحینه انتظار اولنورکن کرک مذکور دولت و کرک متفقلمی انکلتزه و فرانسه دولتمی ، سفیرلرینی کوی چاغیرمق صورتیه دولتمزله مناسبات سیاسیلمرینی قطع ایتدیلمر . متعاقباً روسیه عسکری شرق حدودیمزه تجاوز ایتدی . فرانسه و انکلتزه دونامالمی مشترکاً چناق قلعه بوغازینه ، انکلتزه کیلمرینه عقبه طوب آتدیلمر . بویله یکدیگرینی ولی ایدن خائشانه دشمنلق آتاری اوزرینه ارتهدن بری آرزو ایتدیلمز صلحی ترک ایدرک آلمانیا و اوستریا و مجارستان دولتمزله متفقاً منافع مشروعه مزنی مدافعه ایچون سلاحه عسارلمغه مجبور اولدق . روسیه دولتی اوچ عصردن بری دولت علیه مزنی ملکا پک چوق ضررلره اوغرائتمش ، شوکت و قدرت ملیه مزنی آرتدیره حق انتباه و تجدد آتارینی حرب ایله و بیگ درلو حیل و دسائس ایله هر دفعه سنده محود چالیشمشدر .

« روسیه ، انکلتزه و فرانسه دولتمی ظالمانه بر اداره آلتده ایکن دکلمر میلمی نرله اهل اسلامک دیانه و قلباً مربوط اولدقلمی خلافت معظمه مزنه قارشنی ، هیچ بر وقت سوء فکر بسله مکدن فارغ ارمه مشدر و بز متوجه اولان هر مصیبت و فلاکت مسبب و محزک بولونمشدر . ایشه بو دفعه توسل ایتدیلمز جهاد اکبر ایله بر طرفدن شان خلافتیمزه ، بر طرفدن حقوق سلطنتیمزه قارشنی ایقناع ایدیله کیککه اولان تعرضلره انشاءالله تعالی الی الابد نهایت و بره جکمز .

عون و عنایت باری ومدد روحانیت پیغمبری ایله دونامامزک قره دکزده و جسور عسکرلریمک چناق قلعه و عقبه ایله قافقاس حدودنده دشمنلره اوردقلمی ایلهک ضررله حق بولندمکی غزائمزک ظفرله تتوج ایدمجهکی حقهندهکی قناعتیمزنی تزیید ایلمشدر .

« بوکون دشمنلریمزک مملکت واردولریمک متفقلمزک پای جلاقتی آلتده از بلککه بولونمسه بوقناعتیمزنی تأیید ایدن احوالنددر . « قهرمان عسکرلرم ، دین مینمزه و وطن عزیزیمزه قصد ایدن دشمنلره آجیدیمز بو مبارک فزا و جهاد بولنده بر آن عزم و ثبات وفدا کارلقدن آیریلماکمز . دشمنه آرسالانلر کبی صولت ایدیکمز .

زیرا هم دولتتمزک ، هم فتوای شریفه ایله جهاد اکبره دعوت ایتدیلمک اوج یوز ملیون اهل اسلامک حیات و بقاس سزلیک مظفریتکزه باغلیدر . مسجدرده ، جامعلرده ، کعبه اللهده حضور رب العالمینه کمال وجد و استغراق ایله متوجه اوج یوز ملیون معصوم و مظلوم مؤمن قلبتک دعا و تمیناتی سزکله برابردر .

« عسکر اولادلرم ؛ بوکون عهده کزده ترتب ایدن وظیفه شمدمی به قدر دنیاچه هیچ بر اردویه نصیب اولمامشدر . بو وظیفه بی ایضا ایدرکن بر وقتلر دنیایی تتره تمش اولان عثمانلی اردولریمک خیر الحلقلمی اولدیغلمز کویستریکمزکه دشمن دین و دولت بردها مقدس طبر اقلریمزه آیاق آتمغه ، کعبه اللهی و مرقد منور نبوی بی احتوا ایدن اراضی مبارکه حجازیه تک استراحتنی اخلاصه جرات ایدمه مسون . دینی ، وطنی ، ناموس عسکریمنی سلاحیه مدافعه ایتمکی ، پادشاه اوغرنده اولومی استحقاق ایله مکمی بیلیر بر عثمانلی اردو و دوناماسی موجود اولدیغنی دشمنلره مؤثر بر صورتده کویستریکمز . حق و عدل بزده ، ظلم و عدوان دشمنلریمزده اولدیغندن دشمنلریمزنی قهر ایتمک ایچون جناب عادل مطلقک عنایت صمدانیسه سی و پیغمبر ذیشانمزک امداد مغویوسی بزده یار و یاور اوله جفنده شبهه یوقدر . بو جهاددن ماضیسنتک ضررلرینی تلافی ایتمش شانلی و قوی بر دولت اوله رق چیه جغمزه امیم . بوکونکی حریده برلکده حرکت ایتدیلمز دنیانک اک جسور و محتشم ایکی اردوسیه سلاح ارقداشاننی ایتدیلمز اونیوتمایکمز . شهیدلریمز شهدای سالفهیه مزده ظفر کتورسون ، صاغ قانالریکمزک غزاسی مبارک و قلینجی کسکین اولسون . »

۲۱ ذی الحجه ۱۳۳۲ و ۲۹ تشرین اول ۱۳۳۰ محمد رشاد

## باش قوماندانلق وکالتک بیاننامه سی

آرقداشلمر !

سوکیلی باش قوماندانمز ، خلیفه ذیشان اقدیمز حضرتلریمک اراده سینه لرینی تبلیغ ایدیورم . اللهمک عنایتی ، پیغمبرمزک امداد روحانیتی و مبارک یادشاهمزک خیر دعاسیه اردومن دشمنلریمزنی قهر ایدمجهکدر . بوکونه قدر قره ده و دکزده ضابط و عسکر قارداشلمک کویستردکلمر قهرمانلریمزک بریشان اوله جقلمز اک بویوک دلیلدر . آنجق هر ضابط ، هر عسکر اونیوتمایلمزکه حرب میدانی فدا کارلق میدانیدر . اوراده هانکی عسکردها ایلری آتیلیر ، هانکی عسکر دشمنک شراپنل و قورشونلرندن بیلمایه رق آیاق دیرر ، سوکنه قدر ثبات ایدرسه او عسکر قازانیر . تاریخ شاهددرکه عثمانلی عسکرندن ثباتی ، عثمانلی عسکرندن فداکار هیچ بر عسکر یوقدر . همین

دوشونمیلی یزکه ، باشمیزک اوچنده پیغمبریمیزک وصحابه کزین اقدیلریمیزک روحلری اوچیور . شانلی بالاریمیز ، باشاریمیزک اوچنده یزم میاه بغمیز . باقیور . اکر اولرک حقیقی اولادی اولدیغیمیزی کوسترملک . بزین صوکر ا کله جملرک لغتلرندن قور تولوق ایستهرسهک چالیشلم .

زنجیرلر آلتنده ایگله یین اوج یوزملیون اسلام واسکی رطنداشلریمیز هپ یزم مظقریمیزه دعا ایدیور . اولومدن کیمسه قور تولما به جقدر ، نه موطلو ایلری کیدنلره ، نه موطلودین ووطن یرلنده شهید اولالره . . ایلری ا داتما ایلری که ظفر . شان ، شهادت . جنت هپ ایلروده ، اولوم وذل کربده در . مبارک ومقدس شهیدلریمیزک روحنه فاتحه »

« بادشاهم چوق یاشا »

باش قوماندان وکیلی

أور

### مطبوعات

## جهاد اکبرک اهمیت وعظمتی اکلتمق . مطبوعات ایچون

### روچیه در

« جهادک اعلانی ایله بوکون آره سنده کچن بر دور تحسس واردرکه اونک مسلمان قلبنده حاصل ایتدیکی تأثیری تدقیق ایتمهک عثمانلی مطبوعاتی ایچون برضیاعدر . ضیاع دکله ، برامالدر . امال دکله ، برکناهدر .

مقر خلافتک ، شو صووک حربی حقیقه منافع مملکتک ، مدافعه وطنه ، اعلای شان ملتک معطوف بر اتحاد ایله فارشیلیان مطبوعاتی ، شمدی به قدر جهاد اسلامه دائر بیلدیکی ، دوشوندیکی عرشینی روح امته بتون صفوت وهیرتیه تلقین ایتمهک چالشدی . فقط هنوز جهاده تعلق ایدن وظائف نشر به تمام اولادی .

قفقاسیه حدودلرنده ایشار حیات ایدن یکیتلره ، العریش وادیلرنده مصره دوعری ایلرلین کتیبیه مبارکویه ، دها صوکره کیم بیلیر ، زهرلده عین حس مقدسه ایفای وظیفه ایدن ، خلجانلره قوشان ، استقبالی قور تارمغه ، بوملتک تاریخ مفاخرینی قوجاقلرینه آلهرق ابدیته طوغری کوتورمکه چالیشان مجاهدین ، وظیفه وطنه لرینی ا کاله موفق اولنجه به قدر بو جهادک شرفی ، قیمت علویه سنی ، بوکونکی احتیاج ایله یارینکی موقیتلرک آندن آله جفی فیضی بتون قدرت تبلیغیزله تکرار ایدوب طوره جفز .

اوقدرکه یزم سکوت ایتدیکمز دقیقه ده ، مجاهدین امتده اللرندهکی سیوف حماسی ، حدودلر مزدن ، اسکی حدودلر مزدن ، افقلردن دها اوزاق وکنیش بر ساحة فتوحات اوزرنده مقهور بردشمنه فارشی کال مقخرتله قینلرینه قویه جقلره . . آرتق اسلام قورتیه جق ! افغانستان ، یاخود بخارا ایچنده قبله به توجه ایدن برمسلمان بتون حقوق حا کیمته مالک بولندیغی حالده ، مقام خلافتله دها صریح ومؤید برارتباطی حائز اولدیغی ، آرتق روسک ، انکلیزک اسیری اولدیغی دوشونهرک حضور قلب ایله عبادت ایده بیله جک ! بومقصدک حصولی ایچون مقر خلافتنده تموج ایدن لواء اتحادک ، جهاد محمدی سنجاغنک اورالردن کورلمسی ، بورادهکی آوازه دعوانک اورالردن ایشیدلمسی لازمدر .

بزو بیله بر نتیجه نک پک آرز بر زمانده ساحة امکانه چیقه جفته وجداناً مطمئنره . عالم اسلام ایله آره مزده صداسنک انتشارینه مانع اوله بیله جک هیچ بر حائل بو قدر . ایران ایله ال الهیر . . قفقاسیه نک مدخلندن ایلك خطوه ظفری آتدیغمز کون اواسلام افقلرنده اعیاد مقدسه نک هلالتی بکله مکدن آلمش بر مألوفیت ایمان ایله کوزده بیلن ، یاشلی کوزلره ارایلان هلال نصرت آلتنده ، روسیه به فارشی

قیام ایده جک ملیونلرجه نفوس اسلامیه بو جهاده مقدسی بتون شرقه بتون ، آسیا به نشر و اعلان ایده جکدر . غریک ایکی مدنی مملکتک هر درو ، مؤسسان ، وسائط نشر به سی ایله بوکون بوکا چالیشیور . انلرده جهاد اسلامی بتون دنیایه اعلان ایتدی کندی منفعلرینه الجا آندن بیلورلر . البته برلشه جکیز . امت محمد البت برلشه جک ، فقط آندن اول حدودلر مزدمکی اسلام و شانلی اردوسنه اومزده جهاد ایله برابر کوندریله جک منساقب دینیغی ، تشجیحاتی ، و علم داستا نلریغی ، نفسات ملیغی آرتیرمه مطبوعات صووک درجه به قدر صرف غیرت ایتلیدر .

ممکنسه جهاد حقننده اسنان نبویدن صادر اولاش بر حدیث شریف ، افواه فحولدن جیقینی بر حکمت بر اقایلم . بز یازلم . تکروردن بیله مندر ایتیم . یارین قفقاس حدودنده بر لفظه استراحتی او قورمقله کچیرن کنج بر ضابطه ، بر فدا کار وطن ، او قوروب یازان بر هسکر فلبندهکی حس دنیوی بر نطفه تشویق دها کورتورن بر موعظه ، یاخود اولک فلنجندن بکدر . سیر ظفری افهام ایدن بر نغمه شوق و امید ، بر نشیده انتظار دها او قوسون ! بونک نه بیوک تأثیر نافعی وار ! «

۳ شهرین تانی ۳۲۰ صباح

### سبیل الرشاد

هجت قاطعه نجات اولان کتاب سماوی نک امرینه امتثالاً جهاد همومی

اعلان ایدلدی . کلمه طیبیه توحید ایله جبل متین اسلامه معصم اولان درتیوز میلیونه قریب کتله موحدین « الجنة تحت ظلال السیوف » حدیث نبویسی مفاد طالیسنجه سیف صارمه صاریلوب موجودیتلریله آنک ایجابات طیبیه سندن بولان ، حقوق صریح لری نک محافظه سنه دعوت ایدلدی . یشامق ایچون اولمک لازم کلدیکی حقیقتک بر حقیقت اجتماعیه ، بر ضرورت دینی اولدیغی عامه موحدینه تبلیغ اولندی . عجبیا سببی نه ایدی ؟ نیچون بو صووک تدبیره مراجعته لزوم کورلیدی ؟ اوت بو صووک تدبیردر . زیرا بوندن صکره یاییله جق برشی بو قدر . بوندن صکره یاییله جق برشی وارسه اوده بو فریضه نک ایفاسی ایچون حیاته وداع ایده رک سلاحه صارلمق ؛ دینی ، ناموسی تعرض اعدادن محافظه عزم مردانه سیله میدان حیته ایتلمقدر .

بودقیقهدن اعتباراً بتون مسلمانلر حیات آتیه ملتی محافظه ایچون جهاد فریضه مقدسه سنک بلا تامل ، بلا تردد ایفایله مکلفدرلر . زیرا دین اسلامک ، شان بلندیسه لایق بر صورتده یایدار اوله بیلیمسی امید زواله یوز طوتدی . ربقه اسلامه فکی ناقابل بر اسارت زنجیری اوریلوب قیام حشره قدر اهل توحیدی ذلت اسارت آلتنده زبون ایتک عزم ملامونانه سنک میدان آلدینی قطعاً ثابت اولدی . بونک بر مقدمه مشئومه و ملعونه سی اولوق اوزره جهان اسلامک بادی فلاحی ، شو حیثیتله ا ک قوی بر استناد کاهی دیمک اولان مقام معلاي خلافتک تعرضه باشلاندى . اسلامک انتباهه یوز طوتدینی شو صروده آنک رأس متفکرینه بر ضربه قاهره ایندی رملک ایستندی . بونک نتیجه سی ایسه پک بارز : کتله موحدینی یکدی کورینه ربط ایدن جبل دتین کسپه جک ؛ بتون مسلمانلر شیراز سی قومش بر کتابک صحائف بر ا کندی سی کبی صرصر کفر و ضلالک اوکنده دارمه داغین اولوب کیده جک ؛ بو پریشانلق قیام حشره قدر جمعیت یوزی کورمیه جک . . . . بر کره بومقصد حاصل اولدقدن ، یعنی اسلامک رأس متفکری ازیلوب قولی قانادی قیرلقدن صکره اسلام نامنی طاشیان هر فرد ذات وسفالت